

**SA HEREFORD**  
SINCE 1917



1

**GRONDWET**

**VAN DIE**

**SA**

**HEREFORD**

**TELERSGENOOTSKAP**

Vertaal en aangepas ingevolge SA Stamboek meester grondwet 4 Februarie 2014  
Aangepas Julie 2015  
Aangepas 16 Junie 2016

## INHOUD

<b>WOORDOMSKRYWING</b> .....	4
------------------------------	---

### KLOUSULES

1.	Naam van die Genootskap.....	6
2.	Doelstellings .....	6
3.	Magte van die Genootskap .....	6
4.	Lidmaatskap .....	7
4.1	Verkiesbaarheid .....	7
4.2	Lidmaatskapkategorieë .....	7
4.2.1	Gewone Lede .....	7
4.2.2	Lewenslangelede .....	7
4.2.3	Lewenslange Ere- lede.....	7
4.2.4	Spesiale Erelede .....	8
4.2.5	Geassosieerde lede .....	8
4.2.6	Junior Lede .....	8
4.3	Aansoek om Lidmaatskap .....	8
4.4	Regte en Voorregte van Lede en Lewenslange lede .....	8
4.5	Maatskappy, Private Maatskappy, Beslote Korporasie, Vennootskap of Regspersoon .....	9
4.6	Onttrekking van Produksie data .....	
10		
4.7	Onttrekking van produksie registrasiedata .....	11
5.	Ledegelde en Gelde .....	11
6.	Bedankings en Skorsing van Lede .....	11
7.	Register van Lede .....	13
8.	Raad .....	13
8.1	Samestelling en Verkiesing van die Raad .....	13
8.2	Verkiesing van President en Vise-President .....	14
8.3	Addisionele raadslede .....	14
9.	Magte en Pligte van die Raad .....	15
10.	Vergaderings .....	18
10.1	Raadsvergaderings .....	18
10.2	Algemene Vergaderings .....	19
10.3	Voorsitter by Vergaderings .....	20
10.4	Stemprosedures .....	20
10.5	Ongeldigheid van besluite .....	20
10.6	Kworums .....	20
10.7	Notules van Vergaderings .....	21
11.	Finansiële Bepalings .....	21
12.	Affiliasies .....	22

13.	Verkiesing van Verteenwoordiger/s tot die Algemene Jaarvergadering	
	van die Vereniging .....	23
14.	Grondwetlike Wysigings .....	23
15.	Kantoor van die Genootskap .....	23
16.	Ontbinding van die Genootskap .....	23
17.	Vrywaring .....	24
18.	Outentieke Lesing van hierdie Grondwet .....	24
19.	Werknemers van die Genootskap .....	24
20.	Oordrag van bevoegdhede .....	24
21.	Nie-lede .....	24
22.	Veilings .....	25

## WOORDOMSKRYWING

1. Wanneer dit in hierdie Grondwet en verordeninge gebruik word, en 'n strydige betekenis nie duidelik uit die verband blyk nie, beteken:
  - 1.1 'Wet', die Wet op Diereverbetering, 1998 (Wet 62 van 1998), of enige verdere wetgewing met dieselfde doelstelling as in gemelde Wet, insluitende die regulasies uitgevaardig ingevolge daarvan;
  - 1.2 "dier", 'n geregistreeerde Herefordbees of een wat vir registrasie in die Kuddeboek geskik is en die woorde "bees/beeste", "bul/le", "kalf/kalwers" en "koei/e", vroulik en manlik sal dieselfde betekenis hê;
  - 1.3 "Vereniging", die Suid-Afrikaanse Stamboek- en Diereverbeteringsvereniging;
  - 1.4 "geboorte", die geboorte van 'n kalf;
  - 1.5 "ras" beteken Suid-Afrikaanse Hereford;
  - 1.6 "teler", 'n lid van die Genootskap wat die eenaar is van –
    - 1.6.1 die moeder op datum van die geboorte van 'n dier geskik vir registrasie;
    - 1.6.2 'n dier op die datum van aansoek vir registrasie in die Hulpstamboek of Volgeregistreerde afdeling van die Kuddeboek; of
    - 1.6.3 Die ontvangerkoei op datum van die geboorte van 'n dier geskik vir registrasie.
  - 1.7 "Rasstandaarde" is die geskrewe fenotipiese en/of genotipiese standaard van voortreflikheid vir die Herefordras wat deur die Raad opgestel is en waaraan alle diere na die uitsluitlike mening van die Raad moet voldoen ten einde vir registrasie aanbeveel te word;
  - 1.8 "koper", die persoon of persone aan wie eienaarskap of gesamentlike eienaarskap van 'n dier oorgedra word deur die verkoper van sodanige dier;
  - 1.9 "Grondwet", die Grondwet (insluitende die Verordeninge en Skedules) van die Genootskap –
    - 1.9.1 "Grondwet" beteken die grondwet van die Suid Afrikaanse Hereford Telersgenootskap;
    - 1.9.2 "Verordeninge" is die supplementêre reëls van die grondwet wat van tyd tot tyd deur die Raad bepaal word.
  - 1.10 Raad", die Raad van die Genootskap, amptelik verkies ingevolge die bepalings van die Grondwet;
  - 1.11 "Departement", die Departement of Departemente verantwoordelik vir die administrasie van die Wet;
  - 1.12 "embrio", die bevrugte eisel van 'n dier;
  - 1.13 "Kuddeboek", die Suid-Afrikaanse Hereford Kuddeboek waarin die besonderhede van alle diere, deur die Genootskap by die Vereniging ingeskryf word;
  - 1.14 "inspekteur", 'n persoon deur die Raad benoem vir die doelstellings waarna in Klousules 11(d) en 11(e) verwys word.
  - 1.15 "Minister", die Minister van Landbou in die Nasionale Regering;

- 1.16 “eisel”, ‘n eisel van ‘n dier en sluit ook ‘n embryo in;
  - 1.17 “eienaar”, die persoon wie
    - 1.17.1 volgens die rekords van die Vereniging, sodanige dier besit, of
      - 1.17.2 tot bevrediging van die Raad bewys lewer dat sodanige dier geskik is om in sy naam aangeteken of geregistreer te word; of
      - 1.17.3 in die geval van ‘n ingevoerde dier geregtig is om die dier in sy naam in die erkende kuddeboek van die land van herkoms aan te teken of te registreer
  - 1.18 “produksie” is groei- en produksieprestasie, reproduksie en/of die funksionering van ‘n dier;
  - 1.19 “persoon” sluit ‘n natuurlike en regs persoon in;
  - 1.20 “registreer”, verwys na –
    - 1.20.1 die prosedure waardeur die Genootskap diere in die Hulpstamboek- of Volgeregisteerde afdelings van die Kuddeboek registreer
    - 1.20.2 of waardeur ‘n voorvoegsel deur die Vereniging op rekord geplaas word;
  - 1.21 “Registrateur”, die beampte wat ingevolge die Wet as Registrateur van Diereverbetering aangewys is;
  - 1.22 “Sekretaresse” beteken sekretaresse van die Genootskap
  - 1.23 “verkoper”, die persoon of persone wie, volgens die rekords van die Vereniging, die eienaar/ gesamentlike eienaar/s van ‘n dier is, of in die geval van ‘n ingevoerde dier, die eienaar in die land van herkoms, wie sodanige dier verkoop het;
  - 1.24 “semen”, die semen van ‘n dier;
  - 1.25 “Genootskap”, die Suid-Afrikaanse Hereford Beestelersgenootskap;
  - 1.26 “Suid-Afrikaans geteelde Hereford”, ‘n dier gebore in of in transito na Suid Afrika met dien verstande dat ‘n dier verwek uit ‘n ingevoerde eisel of embryo as ‘n ingevoerde Hereford beskou sal word; en
  - 1.27 “Gebied”, Suid-Afrika en ander lande soos van tyd tot tyd deur die Genootskap met die goedkeuring van die Genootskap, bepaal sal word;
2. Ander woorde, afkortings en terme gebruik in die Grondwet, wat nie hierbo omskryf is nie, en waaraan ‘n bepaalde betekenis geheg word in die Wet, sal dieselfde beteken as in die Wet.
  3. Tensy ‘n teenstrydige bedoeling duidelik uit die verband blyk, sal alle woorde wat in die Grondwet na persone in die manlike geslag verwys, die vroulike geslag insluit en woorde in die enkelvoud, sal die meervoud insluit en woorde in die meervoud, sal die enkelvoud insluit.
  4. Indien enige van die bepalings in hierdie grondwet vervat, teenstrydig is met enige bepalings vervat in die Wet, sal sodanige grondwetlike bepalings sover dit sodanige teenstrydigheid betref, as *pro non scripto* geag word.

# GRONDWET

## 1. NAAM VAN DIE GENOOTSKAP

Die naam van die Genootskap is die Suid-Afrikaanse Hereford Telersgenootskap.

## 2. DOELSTELLINGS

2.1 Onderhewig aan die bepalings van die Wet en hierdie Grondwet is die doelstellings van die Genootskap -

- (a) om die teelt en genetiese verbetering van die produksiepotensiaal van diere in die Gebied aan te moedig;
- (b) om die rasegtheid van die ras in die Gebied te bewaar en om deur alle moontlike en beskikbare middele die belangstelling in die ras te bevorder;
- (c) om die versameling, bewaring en ontwikkeling van die ras deur goeie seleksie ingevolge die aanvaarde beskrywing van 'n Hereford aan te moedig en om vermenging met ander rasse uit te skakel;
- (d) om rasstandaarde wat gebaseer is op produksietoetsrekords en visuele inspeksie vir genetiese afwykings en bouvorm op te stel en te handhaaf in so verre dit verwant is aan funksionele doeltreffendheid. Vir hierdie doel sal alle produksiedata aan die Raad, inspekteurs en subkomitees beskikbaar gestel word;
- (e) om noukeurige verslae van die stambome en besonderhede van diere saam te stel, te bewaar en in stand te hou van alle diere wat deur die Genootskap by die Vereniging in die Kuddeboek aangeteken of geregistreer is;
- (f) om vir skoudoeleindes verskillende klasse vir die ras te verkry en beoordelaars te benoem wat bevoeg geag word om die ras te beoordeel; en om landbougenootskappe en andere te oortuig van die wenslikheid en noodsaaklikheid daarvan om slegs beoordelaars aan te stel wat deur die Genootskap aanbeveel word;
- (g) om die vertoning en mededinging van die ras op landboukoue te bevorder en aan te moedig;
- (h) om die verkoop van diere te bevorder en veilings aan te bied; en
- (i) om in die algemeen alles in sy vermoë te doen ter bevordering van die belange van sy lede in die Gebied met betrekking tot hul bedrywighede in verband met die ras.
- (j) om sover moontlik die strewes en doelwitte van die Wêreld Hereford Raad te ondersteun.

## 3. MAGTE VAN DIE GENOOTSKAP

Onderhewig aan die bepalings van die Grondwet sal die Genootskap die mag hê –

- (a) sodanige funksies te vervul en pligte uit te voer soos deur die Wet neergelê asook

kragtens sy lidmaatskap van die Vereniging en die verlening van regs persoonlikheid aan die Genootskap in terme van die Wet; en

- (b) in die algemeen stappe te neem soortgelyk aan dié wat 'n regs persoon ingevolge wetgewing kan verrig ten einde die doelstellings van die Genootskap te bereik.

#### **4. LIDMAATSKAP**

##### **4.1 Verkiesbaarheid**

Onderworpe aan die bepalings van Klousules 4.2.1 en 4.2.6 sal lidmaatskap van die genootskap uit onderstaande kategorieë bestaan en beperk word tot persone bo die ouderdom van 18 jaar.

##### **4.2 Kategorieë van Lidmaatskap**

###### **4.2.1 Gewone Lede**

Persone wat in die Gebied woon en wat direk of indirek by die teelt van diere betrokke is, kan vir lidmaatskap van die Genootskap as Gewone Lede in aanmerking kom. Sodanige lede sal al die regte en voorregte van lidmaatskap geniet, insluitende stemreg by enige algemene vergadering van die Genootskap en sal ook tot die Raad verkiesbaar wees. 'n Regsentiteit word as 'n persoon geag en mag gewone lidmaatskap van die Genootskap verkry: Op voorwaarde dat -

- (a) persone wat aktiewe telers van diere is sal as Aktiewe Gewone Lede bekend staan; en
- (b) alle ander Gewone Lede sal as Nie-Aktiewe Lede bekend staan.

###### **4.2.2 Lewenslede**

Enige Gewone Lid mag met die goedkering van die Algemene Jaarvergadering en teen betaling van sodanige fooi of ledegeld deur die Raad bepaal, lewenslange lidmaatskap van die genootskap verkry.

###### **4.2.3 Lewenslange Erelede**

Vir spesiale dienste gelewer in belang van die ras mag die Algemene Jaarvergadering 'n persoon tot Lewenslange Erelid verkies, op voorwaarde dat dit op aanbeveling van die Raad geskied. Sodanige Lewenslange Erelid sal al die regte en voorregte van lidmaatskap geniet, insluitende stemreg by enige vergadering van die Genootskap en sal ook tot die Raad verkiesbaar wees.

###### **4.2.4 Spesiale Erelede**

Enige persoon wie nie noodwendig aktief gemoeid was, of is met die teelt van diere nie, mag deur die Raad op sodanige voorwaardes wat bepaal mag word, tot Spesiale Erelid verkies word. 'n Spesiale Erelid sal geen stemreg by vergaderings van die Genootskap hê nie en ook nie tot die Raad verkiesbaar wees nie.

#### **4.2.5 Geassosieerde Lede**

Enige persoon wie nie aktief gemoed is met die teelt van diere nie, maar bloot ter wille van vrywillige assosiasie aansoek om lidmaatskap doen, kan in aanmerking kom vir Geassosieerde Lidmaatskap: Met dien verstande dat so 'n lid 'n nominale ledegeld van tyd tot tyd deur die Raad bepaal, sal betaal. 'n Geassosieerde Lid sal geen stemreg by vergaderings van die Genootskap hê nie en sal ook nie tot die Raad verkiesbaar wees nie.

#### **4.2.6 Junior Lede**

Enige persoon onder die ouderdom van 18 jaar, mag, mits die Raad dit goedkeur, 'n Junior Lid word. Sodanige Junior lid sal geen stemreg by vergaderings hê nie en nie tot die Raad verkiesbaar wees nie. Na die betaling van die vasgestelde gelde mag 'n Junior Lid aan die ander aktiwiteite van die Genootskap deelneem. Met dien verstande dat die ouers of voog van 'n junior lid die aansoek gesamentlik onderteken en namens sodanige junior lid volle verantwoordelikheid neem vir die finansiële en ander verpligtinge teenoor die genootskap.

### **4.3 Aansoek om Lidmaatskap**

4.3.1 Aansoek om gewone-, lewens-, geassosieerde of junior lidmaatskap van die Genootskap moet op die voorgeskrewe vorm aan die Sekretaris gerig word. Die aansoek moet ook vergesel gaan van die betrokke subskripsie- en/of intregeld soos uiteengesit in die Genootskap se Skedule van Fooie..

4.3.2 Die Raad mag die aansoek om lidmaatskap van enige persoon aanvaar, hetsy onvoorwaardelik of op sodanige voorwaardes as wat die Raad mag bepaal, of enige aansoek weier.

4.3.3 Indien 'n aansoek om lidmaatskap geweier is, sal die aansoeker geregtig wees op die terugbetaling van enige gelde wat sy aansoek vergesel het.

### **4.4 Regte en Voorregte van Gewone en Lewenslede**

Uitgesluit eksekuteurs van afgestorwe boedels, kurators van insolvente boedels en likwidateurs van maatskappye of private maatskappye sal die regte en voorregte van elke lid van die Genootskap persoonlik op homself van toepassing wees en is nie oordraagbaar nie, hetsy deur sy eie handeling of deur enige wetlike bepaling. Die regte en voorregte sal die volgende insluit –

- (a) om alle verslae en ander publikasies te ontvang wat deur die Genootskap vir verspreiding onder die lede versprei word;
- (b) om aansoek te doen vir die aantekening of registrasie van diere in



- ooreenstemming met die bepalings van die Grondwet;
- (c) om alle algemene vergaderings van die Genootskap by te woon en om, onderworpe aan die bepalings van Klousule 4.2, op sodanige vergaderings te stem;
- (d) om, indien beskikbaar, alle tegniese advies met betrekking tot aangeleenthede rakende die Hereford van die Genootskap se inspekteurs en amptenare te ontvang. Alle koste wat hieraan verbonde mag wees, moet deur die aansoeker betaal word; en
- (e) om die Genootskap se amptelike verslae te raadpleeg en te gebruik.

#### **4.5 Maatskappy, Private Maatskappy, Beslote Korporasie, Vennootskap of ander Regspersoon**

4.5.1 'n regspersoon wat om Gewone Lidmaatskap aansoek doen, moet aan die Genootskap sodanige feite en gegewens voorlê as wat nodig mag wees om die aard van die beherende aandeel daarin te bepaal en moet dan, of te eniger tyd daarna, benewens die vereiste gegewens wat van alle aansoekers verlang word,

4.5.1.1 die Genootskap verder in kennis stel van die naam en adres van die natuurlike persoon wat aangestel is om as verteenwoordiger by vergaderings van die Genootskap op te tree. Sodanige natuurlike persoon sal die reg hê om skriftelik 'n plaasvervanger te benoem. Sodanige skriftelike benoeming moet die Genootskap nie later nie as voor die aanvang van die vergadering waarop sodanige plaasvervanger moet stem, bereik.

4.5.1.2 Die genootskap voorsien van die name en adresse van al die direkteure, aandeelhouers, lede of vennote van sodanige regsentiteit wat ten tye van aansoek om lidmaatskap van die Genootskap hulself gesamentlik en afsonderlik daartoe verbind as borge vir en gesamentlike hoofskuldenaars met die aansoeker, vir die konsekwente nakoming van die vereistes wat ten opsigte van alle aansoeke van toepassing is.

4.5.2 Alle stukke wat aan sodanige gevolmagtigde verteenwoordiger, soos in Klousule 4.5.1 uiteengesit, gerig is, word beskou as behoorlik op die maatskappy, private maatskappy, beslote korporasie, vennootskap of ander regspersoon bestel te wees en by alle vergaderings wat deur sodanige gevolmagtigde verteenwoordiger namens die maatskappy, private maatskappy, beslote korporasie, vennootskap of ander regspersoon bygewoon word, word die maatskappy, private maatskappy, beslote korporasie, vennootskap of ander regspersoon beskou as behoorlik verteenwoordig te wees.

4.5.3 Die natuurlike persoon wie, soos in Klousule 4.5.1 uiteengesit, aangewys is om sodanige maatskappy, private maatskappy, beslote korporasie,

vennootskap of ander regspersoon te verteenwoordig, mag ingevolge Klousule 8 tot die Raad verkies word.

4.5.4 Indien so 'n maatskappy, private maatskappy, beslote korporasie, vennootskap of ander regspersoon in gebreke bly om aan die vereistes van Gewone Lidmaatskap te voldoen, soos in Klousule 4.2.1 en 4.2.2 uiteengesit, sal sy lidmaatskap van die Genootskap beëindig word en die bepalings van die volgende Klousule 4.5.5 sal *mutatis mutandis* op so 'n maatskappy, private maatskappy, beslote korporasie, vennootskap of ander regspersoon van toepassing wees.

4.5.5 In die geval van die likwidasie van 'n maatskappy, private maatskappy of beslote korporasie of die ontbinding van 'n vennootskap of ander regspersoon sal lidmaatskap van die Genootskap outomaties beëindig word: Met dien verstande dat –

(a) alle bedrae of gelde aan die Genootskap verskuldig op die datum van likwidasie of ontbinding deur die Genootskap van die likwidateur van sodanige maatskappy, private maatskappy of beslote korporasie of van die lede (hetsy gesamentlik of afsonderlik) ingevolge Klousule 4.5.1.2 van sodanige vennootskap of ander regspersoon gevorder sal word;

(b) die likwidateur van sodanige maatskappy, private maatskappy of beslote korporasie en die lede van sodanige vennootskap of ander regspersoon verplig sal wees om al die verpligtinge van so 'n maatskappy, private maatskappy, beslote korporasie, vennootskap of ander regspersoon na te kom ten opsigte van aantekeninge, registrasies, oordragte of enige verpligtinge wat die maatskappy, private maatskappy, beslote korporasie, vennootskap of ander regspersoon as lid van die Genootskap moes nakom; en

(c) enige gelde wat betaalbaar mag wees, soos kuddegelde, aantekeninge, registrasies, oordragte of ander verpligtinge wat na so 'n outomatiese beëindiging van lidmaatskap nagekom moet word, ooreenkomstig die skaal vir Gewone Lede opgelê sal word.

#### **4.6 Onttrekking van Produksie data**

Produksie data van lede wat aan die aangewese produksie aantekening skema deelneem, mag op versoek van die Genootskap, aan die Genootskap beskikbaar gestel word. Die Genootskap onderneem dat die data nie tot nadeel van 'n lid, of lede of die Genootskap aangewend sal word nie en dat verdere verwerking van sodanige data nie tot nadeel van, of strydig met die vereistes en bepalings van die produksie data aantekenings skema sal wees nie.

#### **4.7 Onttrekking van Produksie- en registrasiedata**

Alle lede wat aktief by die teling van diere betrokke is, sal alle prestasiedata wat deur die Vereniging gestoor word en wat nodig mag wees vir die doeltreffende promosie van die ras, aan die Genootskap beskikbaar stel. 'n Beëdigde verklaring te dien effekte sal deur alle lede onderteken word.

### **5. LEDEGELDE EN GELDE**

- 5.1 Alle ledegelde of enige ander gelde en kommissie aan die Genootskap betaalbaar, word van tyd tot tyd deur die Raad bepaal en tydens die daaropvolgende Algemene Jaarvergadering van die genootskap aan lede bekend gemaak word..
- 5.2 Die jaarlikse ledegelde en kudde-evalueringsfooie is betaalbaar en sal as agterstallig beskou word soos bepaal word deur die Raad.
- 5.3 Enige lid wie se ledegeld agterstallig is, of wat ander gelde en/of kommissie aan die Genootskap skuld ten opsigte van enige gelde of verpligtinge, vir meer as 30 dae nadat 'n eis om die betaling daarvan per geregistreerde pos deur die Sekretaresse aan hom gerig is, sal daarna geen regte en voorregte verbonde aan lidmaatskap geniet voordat sodanige skulde aangesuiwer is nie.
- 5.4 Die Raad mag opdrag gee dat rente en/of boetes gehef word op alle agterstallige rekening teen 'n koers soos van tyd tot tyd deur die Raad bepaal mag word.
- 5.5 Enige lid wat, om watter rede ookal, ophou om 'n lid van die Genootskap te wees sal aanspreeklik bly vir alle bedrae wat ten tyde van die beëindiging van sy lidmaatskap deur hom aan die Genootskap verskuldig was.
- 5.6 Indien die Raad sou beslis dat die rekening van 'n lid agterstallig is of ten tyde van die beëindiging van sy lidmaatskap uitstaande is, sal so 'n lid, indien sy rekening vir invordering aan 'n firma van prokureurs oorhandig word, verantwoordelik gehou word vir die betaling van alle regskoste en invorderingsgelde wat dit mag meebring, op die skaal soos tussen prokureur en eie kliënt, tesame met die oorspronklike bedrag, rente, boetes en eise wat deur hom aan die Genootskap verskuldig is.

### **6. BEDANKINGS EN SKORSING VAN LEDE**

#### **6.1 Bedanking van Lede**

Enige lid mag bedank as lid van die Genootskap deur nie minder nie as een maand voor die tyd skriftelik en per aangetekende pos kennis daarvan aan die Sekretaresse te gee: Met dien verstande dat alle gelde aan die Genootskap verskuldig ten volle betaal is en die lid sy verpligtinge nagekom het ten opsigte van dokumente, rekords, aantekeninge, registrasies en oordragte of enige ander verpligting met betrekking tot sy lidmaatskap deur die Genootskap vereis.

## 6.2 Skorsing van Lede

Die Raad mag 'n lid skors en/of dienste aan enige lid opskort wat -

- (a) in gebreke gebly het om enige bedrag wat deur hom aan die Genootskap verskuldig is te betaal binne 60 dae nadat 'n skriftelike eis vir sodanige vereffening, deur die Sekretaresse onderteken, per geregisteerde pos aan hom gestuur is;
- (b) na oordeel van die Raad op enige wyse oneerbaar of afbrekend teenoor die karakter of tot nadeel van die Genootskap opgetree het;
- (c) die Grondwet of enige reël van die Genootskap oortree het;
- (d) skuldig bevind is op grond van oortreding van die Wet:

Met dien verstande dat geen stappe vir skorsing teen 'n lid van die Genootskap geneem sal word nie, alvorens die Sekretaresse nie minstens 30 dae voor die datum van die Raadsvergadering waarop sodanige skorsing behandel sal word, 'n geregisteerde brief aan so 'n lid gerig het waarin hy in kennis gestel word van sy voorgestelde skorsing en waarin daar 'n beroep op hom gedoen word om persoonlik of indien hy so verkies, deur sy behoorlik gevolmagtigde verteenwoordiger, sy kant van die saak op die Raadsvergadering te stel.

- 6.3 Enige lid wat geskors is, moet skriftelik deur die Sekretaresse daarvan in kennis gestel word binne drie dae na die datum waarop die besluit met betrekking tot sy skorsing goedgekeur is.
- 6.4 Na sodanige skorsing van 'n lid mag die Raad opdrag aan die Sekretaresse gee om sy naam uit die kудdeboek en enige ander registers of verslae van die Genootskap te verwyder en by die Vereniging aansoek doen vir die kansellering van alle aantekeninge en/of registrasies ten opsigte van diere wat deur die geskorste lid geteel is en ten tyde van sy skorsing in sy besit was. Die Sekretaresse mag verder van die geskorste lid verlang om onverwyld alle aantekening- en/of registrasie-sertifikate ten opsigte van diere wat ten tyde van sy skorsing in sy besit was, aan die Genootskap te oorhandig.
- 6.5 Vanaf datum van skorsing sal geen diere wat daarna deur die geskorste lid geteel word, oorgedra, aangeteken of geregisteer word nie, geen geboortekennisgewing van hom ontvang sal aanvaar word nie en hy sal dienooreenkomstig in kennis gestel word.
- 6.6 Enige persoon wat opgehou het om lid van die Genootskap te wees, mag weer vir lidmaatskap in aanmerking kom ooreenkomstig die bepalings van Klousule 4.3 en nadat alle agterstallige skulde vereffen is.

## **7. REGISTER VAN LEDE**

- 7.1 Die Genootskap sal 'n register van alle lede hou waarin alle inligting, soos van tyd tot tyd deur die Raad bepaal, ingeskryf moet word.
- 7.2 Elke lid moet die Sekretaresse skriftelik van 'n verandering van sy posadres in kennis stel en alle kennisgewings of publikasies wat aan 'n lid se aangetekende adres gestuur is, sal beskou word as behoorlik op sodanige lid bestel te wees.
- 7.3 Alle stukke wat per aangetekende of geregistreerde pos deur die Sekretaresse aan lede se aangetekende adres versend is, sal beskou word as behoorlik op sodanige lid bestel te wees.
- 7.4 Die Sekretaresse sal die Vereniging met inligting voorsien soos verlang met betrekking tot nuwe lidmaatskappe, bedankings en skorsing van lede (vir watter rede ookal), en posadresse van lede.

## **8. RAAD**

### **8.1 Samestelling en Verkieping van die Raad**

- 8.1.1 Die belange van die Genootskap sal beheer en bestuur word deur 'n Raad bestaande uit 8 lede wie se termyn sal strek tot die volgende Algemene Jaarvergadering na verkiesing waarna vier lede, deur lootjies bepaal, sal uittree. Tydens elke daaropvolgende Algemene Jaarvergadering sal die vier lede wat die langste op die Raad dien, uittree. Uittredende lede is herkiesbaar.
- 8.1.2 Tesame met die voorlopige kennisgewing van die Algemene Jaarvergadering waarvoor in Klousule 10.2.4 voorsiening gemaak word, sal die Sekretaresse 'n kennisgewing aan alle lede stuur waarin nominasies aangevra word vir kandidate om tot die Raad verkies te word.
- 8.1.3 Alle kandidate wat vir verkiesing tot die Raad genomineer word moet skriftelik voorgestel en deur twee ander lede van die Genootskap gesekondeer word en sodanige geskrewe nominasies moet ten minste 30 dae voor die datum van die Algemene Jaarvergadering by die Sekretaresse ingedien word.
- 8.1.4 Indien meer nominasies in 'n spesifieke area ontvang word as waarvoor vakatures bestaan sal die Ouditeure tesame met die finale kennisgewing van die Algemene Jaarvergadering waarvoor in Klousule 10.2.5 voorsiening gemaak word, aan elke stemgeregtigde lid van die Genootskap 'n stembriefie stuur met die name van die genomineerde kandidate daarop uiteengesit. Sodanig voltooide en ondertekende stembriefies sal aan die Ouditeure van die Genootskap terug gestuur word, nie minder nie dan 24 uur voor die tyd waarop die Algemene Jaarvergadering sal plaasvind.

- 8.1.5 Lede moet stem vir soveel kandidate as waarvoor vakatures in enige spesifieke area bestaan en indien 'n lid vir meer of minder kandidate stem as waarvoor vakatures bestaan, sal sodanige stembriefies as ongeldig geag word.
- 8.1.6 So spoedig moontlik na die terugsendingsdatum van die stembriefies per pos of e-pos sal die Genootskap se ouditeure die stemme tel en 'n lys van die lede wat tot die Raad verkies is, saamstel om by die Algemene Jaarvergadering ingedien te word. Die kandidate met die meeste stemme sal geag word as behoorlik tot die Raad verkies te wees en in die geval van 'n staking van stemme vir die vierde lid, sal die kandidaat wat verkies word deur die trek van lootjies bepaal word, welke trekking deur die Genootskap se Ouditeure gereël sal word.
- 8.1.7 Indien, by sodanige verkiesing van Raadslede, daar minder nominasies ingedien word as waarvoor vakatures bestaan of indien 'n kandidaat oorlede is of na die sluiting van nominasies, onttrek, sal die gevolglike vakature\ s deur lede teenwoordig by 'n Algemene Jaarvergadering gevul mag word, ongeag enige bepaling tot die teendeel vervat in Klousule 8.1.3.
- 8.1.8 Stembriewe sal vertroulik in besit van die Ouditeure bewaar word en na verloop van 12 maande na die datum van verkiesing vernietig word: Met dien verstande dat indien enige lid die uitslag van stemme bevraagteken, sal die Raad verplig wees om, teen betaling van 'n deposito wat van tyd tot tyd deur die Raad vasgestel sal word, die uitslag van stemming aan sodanige persoon asook twee ander lede deur hom genomineer, te openbaar. Indien dit tydens herondersoek bevind word dat stemme foutiewelik getel is sal die deposito aan die betrokke lid terug betaal word; andersins sal die deposito aan die genootskap toekom.

## **8.2 Verkiesing van President en Vice-President**

- 8.2.1 Die President en Vice-President, wie se termyn vir een jaar sal strek, sal vanuit die geledere van die nuut verkose Raad, deur middel van geslote stembrief of op enige ander wyse soos die Raad mag besluit, deur die Raad verkies word.
- 8.2.2 Lede wat as President of Vice-President verkies word sal vir herverkiesing in sodanige ampte kwalifiseer.

## **8.3 Addisionele Raadslede**

Benewens die agt verkose lede sal onderstaande persone ook op die Raad dien:

### **8.3.1 Lewenslange Erepresidente**

Op aanbeveling van die Raad kan die Algemene Jaarvergadering enige persoon as Lewenslange Erepresident van die Genootskap verkies. Enige

persoon op hierdie wyse verkies, sal *ex officio lid* van die Genootskap wees met volle stemreg.

### **8.3.2 Die Sekretaresse**

Die Sekretaresse van die Genootskap sal alle vergaderings van die Genootskap bywoon en die reg het om aan besprekings deel te neem, maar sal egter nie stemreg hê nie.

- 8.4 Indien 'n lid van die Raad te sterwe kom, bedank, ophou om lid van die Genootskap te wees of ingevolge Klousule 8.6, die amp van President of Vise-President moet beklee, kan die Raad 'n ander lid van die Genootskap aanwys as sy plaasvervanger met volle magte vir die res van sy ampstermyn. Die Raad sal as behoorlik gekonstitueer beskou word en sal voortgaan om al die magte wat aan hom opgedra is uit te voer, nieteenstaande enige vakatures wat daarin mag ontstaan.
- 8.5 In die geval waar die amp van Voorsitter vakant raak voor die verstryking van die tydperk waarvoor hy tot die Raad verkies is, sal die Vise-President outomaties die amp beklee en indien die amp van Vise-President vakant raak of die ampte van beide President en Vise President gelyktydig vakant raak, voor die verstryking van die tydperk waarvoor hulle tot die Raad verkies is, moet die Raad by sy daaropvolgende vergadering, per geslote stembriefies of op enige ander wyse soos deur die vergadering besluit, een of twee uiteie geleedere verkies om die vakatures vir die onverstreke deel van die tydperk te vul.
- 8.6 Raadslede wat sonder toestemming of grondige rede van drie agtereenvolgende vergaderings van die Raad afwesig was, sal hul ampte outomaties verbeur.

## **9. MAGTE EN PLIGTE VAN DIE RAAD**

Die Raad het, onderworpe aan die bepalings van die Grondwet en die besluite van die Genootskap soos van tyd tot tyd geneem word, die mag om sodanig op te tree as wat in belang van die Genootskap is, of vir die bevordering en volvoering van sy doelstellings wat nodig of wenslik geag mag word. In besonder het die Raad die mag om -

- (a) na goeiddunke sodanige prokureurs of ander regsverteenwoordigers, agente, ampsdraers of amptenare of ander werknemers permanent, tydelik of met die oog op spesiale dienste aan te stel, te ontslaan, of te skors; om hulle magte en pligte te bepaal, hul vergoeding en diensvoorwaardes vas te stel en om sodanige voorsorg te tref vir die behoorlike uitvoering van hul pligte, as wat in besondere gevalle raadsaam geag mag word;
- (b) 'n geding in te stel, te voer, te laat voer, te verdedig, of 'n skikking aan te gaan ten opsigte van enige geregtelike stappe deur of teen die Genootskap of teen enige van sy ampsdraers of amptenare of ander werknemers in verband met die aangeleentheid van die Genootskap; en om enige skulde wat betaalbaar is te verminder, of uitstel te

verleen vir die afbetaling daarvan of die voldoening aan enige eise of aanskrywing deur of teen die Genootskap;

- (c) een of meer bankrekenings namens die Genootskap te open en enige wissel, skuldbewys, tjek of ander verhandelbare dokument wat op sake van die Genootskap betrekking het te trek, te aanvaar, te endosseer, aan te gaan of uit te voer;
- (d) enige gelde wat nie vir die onmiddellike behoeftes van die Genootskap nodig is nie te belê of op enige ander wyse te behartig teen sodanige sekuriteite en op sodanige voorwaardes soos die Raad mag goedvind en van tyd tot tyd enige sodanige beleggings te verander of te onttrek: Met dien verstande dat fondse beskikbaar vir beleggings slegs belê mag word by geregistreerde finansiële instellings soos omskryf in Artikel 1 van die Wet op Finansiële Instellings (Belegging van Fondse), 1984, en in effekte genoteer op 'n gelisensieerde effektebeurs soos omskryf in artikel 1 van die Wet op Beheer van Effektebeurse, 1985 (Wet No. 1 van 1985);
- (e) op sekuriteit van enige eiendom van die Genootskap geld vir die Genootskap te leen; betaling van lenings op enige wyse te sekureer, insluitende die verhipotekering of verpanding van goed, en sonder om afbreuk te doen aan die algemeenheid daarvan, in besonder deur die uitreiking van die soort skuldbrief of skuldbriefeffekte, met of sonder sekuriteit;
- (f) geboue, grond, goedere, roerende bates en besittings te koop, te huur, op verband te neem of vir die Genootskap aan te skaf; om roerende goedere of vaste eiendom van die Genootskap te verkoop, te verpand, te verhuur, te vervreem of andersins daarvan ontslae te raak en die vergoeding daaruit verkry op so wyse aan te wend as wat tot die grootste voordeel van die Genootskap gereken mag word;
- (g) vrywarings en waarborge en borgstellings aan te gaan en betaling daarkragtens op enige wyse te sekureer;
- (h) die dienste van enige persoon of lid van die Genootskap te koop te en om subkomitees te benoem op sodanige voorwaardes en sodanige magte aan hul te verleen as wat van tyd tot tyd wenslik geag mag word. Die Voorsitter en Vise-Voorsitter van die Genootskap is *ex officio* lede van alle subkomitees met alle regte en voorregte;
- (i) inspekteurs aan te stel om diere wat vir aantekening/registrasie aangebied is, te keur en vir die doel van enige ander werksaamhede waarvoor lede van die Genootskap die dienste van inspekteurs mag verlang en om aan sodanige inspekteurs opdragte te gee en magte te verleen met betrekking tot hul pligte om te verseker dat die doelstellings van die Genootskap uitgevoer word, of om hulle te ontslaan;
- (j) opdrag te gee aan inspekteurs en/of ander amptenare van die Genootskap om ondersoek in te stel na gevalle waar daar nie behoorlik rekords gehou word nie of waar daar twyfel mag ontstaan met betrekking tot die identiteit van 'n diere en om sodanige stappe te neem soos in die belang van die Genootskap wenslik geag mag word;
- (k) enige persoon of persone vir dienste gelewer te vergoed en pensioen- en ander aansporingskemas en gratifikasies ten opsigte van ampsdraers en werknemers tot stand te bring;
- (l) algemene vergaderings van die Genootskap te belê, of na aanleiding van 'n spesiale



versoek daartoe wat volgens die bepalings van die Grondwet gerig is, òf andersins indien dit noodsaaklik geag word;

- (m)aan enige lid van die Raad of enige amptenaar of werknemer van die Genootskap verlof tot afwesigheid toe te staan vir enige tydperk en op sodanige voorwaardes as wat in elke geval bepaal mag word;
- (n) sodanige strawwe of boetes op te lê of af te dwing as wat van tyd tot tyd vir lede van die Genootskap bepaal mag word vir die oortreding of skending van die Grondwet of die reëls en regulasies van die Genootskap;
- (o) onderhewig aan die bepalings van Klousule 5, die ledegelde of verpligtinge van lede van tyd tot tyd te wysig of aan te pas en om enige bykomende gelde en verpligtinge voor te skryf soos nodig geag mag word;
- (p) al die koste en rekeninge met betrekking tot die administrasie en bestuur van die Genootskap te betaal;
- (q) aansoeke om lidmaatskap te ontvang en te oorweeg en dit na eie oordeel te aanvaar of af te wys;
- (r) gelde, donasies en ander skulde en fondse in te samel en te ontvang en dit tot voordeel van die Genootskap en bevordering van die Boran aan te wend;
- (s) reëls en regulasies met betrekking tot die beheer van sake en die uitvoer van die doelstellings van die Genootskap op te stel, te wysig of op te hef;
- (t) ondersoek in te stel na geskille wat uit die toepassing van die Grondwet mag ontstaan en om uitsluitel daaromtrent te gee;
- (u) ondanks enige strydige bepalings in hierdie Grondwet vervat, met die goedkeuring van die Algemene Jaarvergadering, vrystelling te verleen van enige bepalings van hierdie Grondwet of versagting in gevalle van meriete soos deur die Raad besluit;
- (v) enige bylae wat by die Grondwet aangeheg is, te verander of te wysig soos van tyd tot tyd nodig geag mag word;
- (w) verkope van diere te organiseer en te bevorder, hetsy deur openbare veilings of uit die hand en om vir hierdie doel afslaers en agente aan te stel;
- (x) 'n persoon of persone te benoem om die Genootskap op enige komitee, liggaam of organisasie te verteenwoordig;
- (y) een of meer lede of amptenare aan te stel met die gesag om namens die Genootskap dokumente te onderteken, stukke en gegewens te ontvang, geregtelike stappe te doen, op te tree, 'n eis in te stel, of gedagvaar te word, sodat die sake van die Genootskap beter en gemakliker uitgevoer en afgehandel kan word;
- (z) ooreenkomstig Klousule 6, die lidmaatskap van enige persoon te beëindig;
- (aa) ooreenkomstig Klousule 5.3, te weier om inspeksie-, aantekening-, registrasie- en ander werk vir lede te doen indien hulle uitstaande skuld by die Genootskap het;
- (bb) rasstandaarde op te stel en minimum produksie vereistes en ander standaarde neer te lê waarvolgens-
  - (i) diere deur inspekteurs geïnspekteer word;
  - (ii) onderworpe aan die bepalings van die Wet, aansoeke vir die in- en uitvoer van diere, semen en embrio's te oorweeg en semenskenkers ingevolge die

- Wet goed te keur;
    - (iii) semen en eiselskenkers sal ingevolge die Wet vir embryo-oorplantings goedgekeur word; en
    - (iv) bulle sal ingevolge die Wet vir die verkoop van semen aanbeveel word.
- (cc) sodanige reëls en voorwaardes op te stel met betrekking tot die kwalifikasies en benoeming van beoordelaars van Herefords as wat nodig geag mag word: Met dien verstande dat geen persoon as beoordelaar van Herefords aangestel sal word alvorens hy voldoen aan sodanige vereistes as wat deur die Raad bepaal mag word nie. Verder om van tyd tot tyd die paneel van beoordelaars in heroorweging te neem en om daaruit sodanige name te verwyder as wat nodig geag mag word; en
- (dd) in die algemeen alles wat nodig is te doen met die oog op die welvaart van die Genootskap en die hantering van sy sake, altyd op voorwaarde dat enige stappe wat gedoen word of opdragte wat gegee word, nie teenstrydig sal wees met die bepalings van die Wet en die Grondwet nie.

## **10. VERGADERINGS**

### **10.1 Raadsvergaderings**

- 10.1.1 Die Raad sal op sodanige tyd en plek vergader as wat die Voorsitter of in sy afwesigheid die Vise-Voorsitter mag besluit. Op voorwaarde dat minstens twee Raadsvergaderings gedurende elke finansiële jaar gehou sal word.
- 10.1.2 ‘n Spesiale Raadsvergadering –
  - (a) mag deur die Voorsitter (of in sy afwesigheid deur die Vise-Voorsitter) belê word op sodanige tyd en plek as wat sodanige ampsbektelêr mag besluit, of
  - (b) sal belê word op grond van ‘n aansoek onderteken deur nie minder nie as vier Raadslede waarin die redes vir die vergadering gemeld word. Sodanige aansoek moet aan die Sekretaresse gerig word.
- 10.1.3 Skriftelike kennisgewing deur pos of elektroniese formaat van die tyd, datum en plek van 'n voorgenome Raadsvergadering moet nie minder nie as 21 dae voor die vergadering sal plaasvind, deur die Sekretaresse aan elke lid van die Raad gestuur word.
- 10.1.4 Geen besluit van die Raad sal gewysig of verander kan word nie, tensy die besluit om dit te wysig of verander deur 'n vergadering, waarvan nie minder nie as 14 dae kennis aan alle Raadslede gegee is en waarin die redes vir die wysiging of verandering van die besluit duidelik uiteengesit is: Met dien verstande dat 'n besluit sonder kennisgewing gewysig mag word indien al die lede van die Raad teenwoordig en

eenstemmig is.

## **10.2 Algemene Vergaderings**

- 10.2.1 'n Algemene vergadering van die Genootskap wat bekend staan as die Algemene Jaarvergadering word een keer in 'n finansiële jaar gehou op so 'n tyd en plek as wat die Raad mag bepaal.
- 10.2.2 By so 'n Algemene Jaarvergadering sal die Raad sy jaarverslag aan die Genootskap voorlê, tesame met behoorlik geouditeerde finansiële state.
- 10.2.3 'n Spesiale Algemene Vergadering van die Genootskap mag te eniger tyd op grond van 21 dae skriftelike kennisgewing deur pos of elektroniese formaat aan alle lede, belê word deur -
- (a) die Raad; of
  - (b) die Voorsitter (of in sy afwesigheid die Vise-Voorsitter); en
  - (c) op grond van 'n skriftelike versoek daartoe wat aan die Sekretaresse gerig is en wat deur nie minder nie as twintig lede van die Genootskap onderteken is. So 'n aansoek moet die doelstellings van die vergadering duidelik uiteensit en gedurende sodanige vergadering mag slegs die gemelde sake behandel word.
- 10.2.4 'n Voorlopige kennisgewing van die tyd, datum en plek van 'n Algemene Jaarvergadering moet minstens 60 dae voor die vergadering deur die Sekretaresse aan elke lid gepos word. Enige lid wat van plan is om enige saak by die Algemene Jaarvergadering vir bespreking voor te lê, moet die Sekretaresse nie minder nie as 30 dae voor die vergadering, skriftelik deur pos of elektroniese formaat daarvan in kennis stel. Geen onderwerp wat deur enige lid voorgestel is, sal op die sakelys van die Algemene Jaarvergadering geplaas word indien die verlangde kennisgewing van die voorstel nie ooreenkomstig hierdie subklousule gegee is nie.
- 10.2.5 'n Finale kennisgewing van die tyd, datum en plek waarop enige algemene vergadering gehou sal word, tesame met die sakelys vir die vergadering, moet minstens 21 dae voor die vergadering aan elke lid van die Genootskap gepos word.
- 10.2.6 Daar sal geen besluit op 'n algemene vergadering geneem word tensy kennis daarvan op die sakelys, wat tesame met die kennisgewing van vergadering aan lede gestuur is verskyn nie, of tensy so 'n vergadering met 'n twee-derde meerderheid van stemme, van lede wat teenwoordig is en stemgeregtig is, besluit om enige saak wat nie spesifiek op die agenda is nie, te bespreek en daarvoor te stem.

10.2.7 Enige algemene vergadering mag verdaag word deur 'n twee-derde meerderheidstem van die lede wat daarby teenwoordig is.

### **10.3 Voorsitter by Vergaderings**

Die Voorsitter, Vise-Voorsitter of Lewenslange Erepresident, in sodanige volgorde, beklee die voorsitterstoel by alle vergaderings en indien al sodanige ampsbekleers afwesig is mag die lede wat teenwoordig is 'n ander lid verkies om by sodanige vergadering die voorsitterstoel te beklee en enige persoon wat op sodanige wyse verkies is, sal met betrekking tot daardie vergadering gevolgmagtig wees om al die pligte van die Voorsitter uit te voer: Met dien verstande dat in die geval van die afsterwe van die President, die Vise-President as President sal ageer tot en met die eersvolgende Algemene Jaarvergadering van die Genootskap..

### **10.4 Stemprosedure**

Tensy anders bepaal sal die uitslag van alle aspekte deur die meerderheid stem van stemgeregtigde lede teenwoordig by 'n vergadering, bepaal word en in die geval van 'n staking van stemme, sal die persoon wat die stoel beklee die beslissende stem he. Onderworpe aan die bepalings van Klousule 8, sal stemming by alle vergaderings met die opsteek van hande geskied, tensy enige teenwoordige stemgeregtigde lid stemming per stembrief verlang in welke geval stemming per geslote stembrief sal geskied.

### **10.5 Ongeldigheid van Besluite**

Geen saak wat behoorlik en grondwetlik op enige vergadering afgehandel is, kan ongeldig verklaar word slegs weens die feit dat enige lid geen kennisgewing kragtens die vereistes van die Grondwet ontvang het nie.

### **10.6 Kworums**

10.6.1 15% van die stemgeregtigde lede van die Genootskap wat persoonlik teenwoordig is by die aanvang van enige algemene vergadering sal 'n kworum vorm vir sodanige vergadering en 50% van die stemgeregtigde raadslede van die Genootskap wat persoonlik teenwoordig is by enige Raadsvergadering sal 'n kworum vorm vir sodanige raadsvergadering met twee volmagstemme toegelaat per persoon.

10.6.2 Indien daar by enige vergadering nie 'n kworum teenwoordig is nie kan die vergadering verdaag tot 'n tyd (nie minder nie as 7 dae en nie meer as 30 dae daarna) en plek wat deur die lede persoonlik teenwoordig bepaal word. Op so 'n uitgestelde vergadering vorm die teenwoordige lede wel 'n kworum: Met dien verstande dat enige vergadering waar 'n

kworum nie teenwoordig is nie maar waarby die Voorsitter, Vise Voorsitter of 'n Lewenslange Erepresident teenwoordig is, vir 'n halfuur verdaag moet word waarna die lede wat dan teenwoordig is, 'n kworum vorm vir die afhandeling van sodanige sake (behalwe grondwetlike wysigings) as wat deur die lid wat die voorsitterstoel beklee, dringend mag verklaar. Sodanige verdaging vir 'n halfuur sal nie tot nadeel van die regte van die vergadering wees nie om, nadat aandag aan die noodsaaklike aangeleenthede gegee is, tot 'n tyd en plek soos hierin bepaal te verdaag.

- 10.6.3 Sodra 'n vergadering op so 'n wyse uitgestel word, sal 'n kennisgewing binne sewe dae na die vergadering aan alle lede gestuur word waarin die datum, plek en tyd van die uitgestelde vergadering en die rede vir sodanige vergadering gemeld word.

## **10.7 Notules van Vergaderings**

- 10.7.1 'n Afskrif van die notules van alle algemene vergaderings sal aan elke lid van die Genootskap voorsien word. Afskrifte van die notules van Raadsvergaderings en Subkomiteevergaderings sal aan alle persone voorsien word wat op sodanige komitees dien.

- 10.7.2 Die notule van alle vergaderings geteken deur die Voorsitter of 'n persoon wie die voorsitterstoel beklee gedurende die daaropvolgende vergadering, sal bewys wees daarvan dat alle verrigtinge behoorlik geskied het en dat alle verkiesings, aanstellings en besluite aanvaar gedurende sodanige vergadering, bindend en van krag is.

## **11. FINANSIËLE BEPALINGS**

- 11.1 Die Raad sal een of meer bankrekenings namens die Genootskap open, waarin alle gelde wat die Genootskap ookal mag ontvang, gedeponeer moet word.
- 11.2 Alle betalings uit die fondse van die Genootskap word per tjek gedoen en die tjeks moet deur die Sekretaresse of 'n persoon wat deur die Raad daartoe aangestel is, geteken en mede-onderteken word, deur die ouditeure of sodanige persoon of persone as wat deur die Raad daartoe gemagtig is, ooreenkomstig Klousule 9(y): Op voorwaarde dat niks wat hierin vervat is die Raad sal verhoed om 'n kleinkasfonds in stand te hou en te beheer nie. Ook kan sodanige gereelde en gewone maandelikse rekenings wat nie 'n bedrag wat deur die Raad bepaal is, oorskry nie, betaal word: Op voorwaarde dat die totale bedrag wat nodig is vir die betaling van sodanige rekenings per tjek getrek word.
- 11.3 Die Raad moet toesien dat die Genootskap behoorlike rekeningboeke hou wat van

tyd tot tyd, maar nie minder nie as een keer per jaar, deur 'n ouditeur wat deur die Raad van die Genootskap aangestel is, geouditeer word.

11.4 Al die besittings van die Genootskap is gevestig in die Raad.

11.5 Die inkomste en besittings van die Genootskap, uit watter bron ookal ontvang, insluitende profyte en winste, sal enkel en alleen aangewend word ter bevordering van die doelstellings van die Genootskap en geen deel daarvan sal direk of indirek as dividend of bonus of andersins betaal of oorgedra word aan enige persone wat te eniger tyd lede van die Genootskap is of was nie: Op voorwaarde dat niks wat hierin vervat is die betaling in goeder trou aan enige werknemer of ander persoon vir dienste wat aan die Genootskap gelewer is, kan verhoed nie.

11.6 Die finansiële jaar van die Genootskap neem 'n aanvang op 1 Januarie van elke jaar en sluit op 31 Desember van daardie jaar.

11.7 Geen profyte of winste sal aan enige persoon toekom nie.

11.8 Fondse wat vir belegging beskikbaar is mag slegs by geregistreerde finansiële instellings wat in Seksie 1 van die Finansiële Instellings (Beleggings van Fondse) Wet 1984 belê word en sekuriteite gelys op 'n gelisensieerde beurs soos gedefinieer in die Beurswet, 1985 (Wet No 1 van 1985).

11.9 Die Genootskap sal nie meedoen aan enige aktiwiteite wat op winsbelag ingestel is nie of deelneem aan enige besigheid, professie of betrekking wat deur enige van sy lede gevoer word, of finansiële hulp, bedryfseiendom, voortdurende dienste of fasiliteite aan sy lede verleen ten einde enige besigheid, professie of betrekking te bedryf nie.

## **12. AFFILIASIES**

Die Genootskap mag –

- a. Ingevolge die Wet, lid wees van die Vereniging en sodanige lidmaatskap handhaaf ingevolge die bepalings van die grondwet van die Vereniging; en
- b. op grond van die meerderheid stem van ten minste twee derdes van stemgeregtigde lede teenwoordig by enige algemene vergadering, met enige vereniging, Genootskap of organisasie waarvan die doelstellings met dié van die Genootskap ooreenstem, affilieer of inkorporeer

## **13. VERKIESING VAN VERTEENWOORDIGER/S TOT DIE ALGEMENE JAARVERGADERING VAN DIE VERENIGING**

Ingevolge Klousule 9(x) sal die Raad 'n verteenwoordiger of verteenwoordigers aanwys om die Algemene Jaarvergaderings van die Vereniging by te woon.

#### **14. GRONDWETLIKE WYSIGINGS**

14.1 Byvoegings tot, of wysigings of veranderings van die Grondwet waarvan skriftelike kennis nie minder nie as 30 dae voor die vergadering mag aan elke lid van die Genootskap gegee word, mag aangebring word deur 'n meerderheidsbesluit van nie minder nie as twee-derdes van die lede wat by 'n algemene vergadering van die Genootskap teenwoordig en stemgeregtig is en stem.

14.2 Sodanige byvoeging tot, of wysiging van die Grondwet wat ingevolge Klousule 14.1 goedgekeur is, sal slegs van toepassing wees op voorwaarde dat dit ingevolge die Wet by die Registrateur ingedien en deur die Registrateur goedgekeur en bevestig word

14.3 Die Genootskap sal geen byvoegings, wysigings, variasies of veranderings van die grondwet aanvaar indien sodanige byvoegings, wysigings, variasie of veranderings strydig is met die strewe, doelstellings en vereistes van die Wêreld Hereford Kongres.

14.4 Enige wysiging van die Grondwet moet aan die Kommissaris van die Suid-Afrikaanse Inkomstediens voorgelê word.

#### **15. KANTOOR VAN DIE GENOOTSKAP**

Die kantoor van die Genootskap sal op 'n plek wees soos van tyd tot tyd deur die Raad bepaal en deur die daaropvolgende algemene vergadering bevestig.

#### **16. ONTBINDING VAN DIE GENOOTSKAP**

16.1 Indien daar na die beëindiging of ontbinding van die Genootskap, en nadat al die skulde en verpligtinge nagekom is, enige eiendom oorbly, sal sodanige eiendom nie onder die lede van die Genootskap verdeel of aan hul uitbetaal word nie, maar geskenk of oorgedra word aan sodanige ander instellings soos besluit deur die meerderheidsbesluit by 'n algemene vergadering van die Genootskap : Met dien verstande dat – die doelstellings van sodanige instelling ooreenstem met dié van die Genootskap

16.2 sodanige instelling opsigself vrygestel is van Inkomstebelasting kragtens Artikel 10(1)(cA)(i) van die Inkomstebelastingwet.

#### **17. VRYWARING**

Lede van die Raad en van die Genootskap wat betrokke is by genootskapwerkzaamhede

op instruksie van die Raad, word hiermee vrygestel van enige eise, verliese of uitgawes voortspruitende uit sodanige werksaamhede: Op voorwaarde dat hulle *bona fide* opgetree het en nie skuldig was aan pligsversuim of oneerlikheid nie.

**18. OUTENTIEKE LESING VAN HIERDIE GRONDWET**

Aangesien hierdie Grondwet en die meegaande verordeninge in Engels opgestel, ingedien en oorweeg is, word die Engelse weergawe as outentiek beskou.

**19. WERKNEMERS VAN DIE GENOOTSKAP**

Geen werknemer van die Genootskap sal, behalwe in die uitvoer van sy pligte as sodanige werknemer, enige dienste lewer of betrokke wees by enige koop of verkooptransaksies van diere nie.

**20. OORDRAG VAN BEVOEGDHEDE**

Ondanks enige bepalings in die Grondwet strydig hiermee, mag enige lid deur 'n volmagprokurasie, behoorlik uitgereik en deur die Sekretaris geliasseer, 'n ander persoon volmag gee om namens hom geboortekennisgewings/aansoeke om aantekening/registrasie, oordragsertifikate, dekkingsertifikate, opgawes of verslae of enige ander dokumente met betrekking tot die administrasie van 'n kudde te onderteken. Enige sodanige handtekening deur so 'n ten volle gemagtigde persoon sal deur die Genootskap as net so geldig en bindend aanvaar word asof dit die lid se eie handtekening is: Op voorwaarde dat niks wat hierin vervat is, so 'n gevolmagtigde persoon daartoe in staat sal stel om op enige moontlike manier deel te neem aan die nominering van, of stemming vir, enige Raadslid, of stemming oor enige aangeleentheid waaroor sy prinsipaal stemreg het of om enige vergadering namens sy prinsipaal by te woon nie.

**21. NIE LEDE**

Sodanige voordele van lidmaatskap as wat die Raad mag bepaal, mag aan nie-lede verleen word: Met dien verstande dat geen wetlike of ander verpligting op die Genootskap sal rus ten opsigte van sodanige nie-lede nie en op verdere voorwaarde dat alle gelde met betrekking tot enige dienste wat deur die Genootskap aan nie-lede gelewer word, sal wees soos wat van tyd tot tyd deur die Algemene Jaarvergadering bepaal. Sodanige gelde sal vooruitbetaalbaar wees.

**22. VEILINGS**

22.1 Alle openbare veilings van Herefords wat aan geregistreerde lede behoort sal ingevolge die bepalings van die toepaslike Verordening aangebied word.